




სამურის მოაზრება



№23 (445) 24 ივნისი, ორშაბათი, 2024 წელი

შიდა ქართლის „ზაფხულის თამაშები - 2024“ დაიწყო

შიდა ქართლის სახელმწიფო რწმუნებულის მოადგილემ თემურ ხუბულურმა მუნიციპალიტეტის მერებთან და სპორტის სამსახურების ხელმძღვანელებთან სამუშაო შეხვედრა გამართა. შეხვედრას, ასევე, საქართველოს ეროვნული ოლიმპიური კომიტეტის წარმომადგენელიც დაესწრო. შეხვედრაზე შეკრებილებმა „შიდა ქართლის ზაფხულის თამაშები 2024“-ის მიმდინარეობა განიხილეს. გარდა ამისა, საუბარი შეეხო ეროვნული ოლიმპიური კომიტეტთან ერთად დაგეგმილ გარბენს.

„შიდა ქართლის სპორტული თამაშები“ შიდა ქართლის სახელმწიფო რწმუნებულის ადმინისტრაციის ინიციატივით 2022 წლიდან ტარდება და მისი მიზანია რეგიონში სპორტის მხარდაჭერა და ჯანსაღი ცხოვრების წესის პოპულარიზაცია, ასევე, მოსახლეობის, განსაკუთრებით კი ახალგაზრდების, აქტიური ჩართვა სპორტულ ღონისძიებებში. გასულ წელს, თამაშებში უკვე 5000-ზე მეტმა ადამიანმა მიიღო მონაწილეობა. წლევანდელი პროგრამის მიხედვით კი შეჯიბრებები მძლეოსნობაში, კალათბურთში, ფეხბურთსა და ქართულ ჭიდაობაში გაიმართება.

გარდა ამისა, ეროვნული ოლიმპიური კომიტეტთან ერთად დაგეგმილ გარბენში სხვადასხვა ასკობრივ კატეგორიაში გამოვლინდებიან გამარჯვებულები, რომლებსაც გადაეცემათ შესაბამისი პრიზები. ოლიმპიურ გარბენში მონაწილეობას მიიღებენ ოლიმპიურ-ჩემპიონ პრიზიორები, შიდა ქართლის მუნიციპალიტეტების ხელმძღვანელები და ადგილობრივები. გარბენში მონაწილეობის მიღება შეუძლია ნებისმიერ მსურველს.



მუნიციპალიტეტის მერის სათათბირო ორგანოს „სამურის ახალგაზრდული საბჭოს“ მორიგი შეხვედრა გაიმართა

ახალგაზრდებს შეხვედრენ სამურის მუნიციპალიტეტის მერი თენგიზ ჩიტიაშვილი, საკრებულოს თავმჯდომარე ნინო ლიპარტელიანი, მერის მოადგილე ზვიად გოგუაძე, კულტურის სამსახურის უფროსი კონსტანტინე ფრუიძე და ორგანიზაცია „ახალგაზრდები სამურის განვითარებისთვის“ დამფუძნებელი გიორგი მაჭარაშვილი.

მუნიციპალიტეტის ხელმძღვანელმა პირებმა და ახალგაზრდებმა ერთობლივად იმსჯელეს, 12 აგვისტოს-ახალგაზრდობის საერთაშორისო დღესთან დაკავშირებულ აქტივობებზე, სხვადასხვა ინიციატივებზე. გამოითქვა მოსაზრება მოხალისეობრივი საზაფხულო-სალექციო სკოლის დაფუძნებასთან დაკავშირებითაც.

შეხვედრისას, საზი გაესვა, ადგილობრივი თვითმმართველობის განხორციელებასა და გადაწყვეტილების მიღების პროცესში ახალგაზრდების სრულფასოვანი მონაწილეობისა და ჩართულობის მნიშვნელობას.



დღეს მთელი საქართველოს ყურადღება გერმანიისკენაა მიმართული, სადაც, ფეხბურთში, ევროპის ჩემპიონატი იმართება, რომელშიც საქართველოს ეროვნული გუნდიც მონაწილეობს. ჩვენს ქალაქში რომ ფეხბურთი უზომოდ უყვართ, ამ ფოტოებიდანაც ჩანს. ეროვნული გუნდის გამოსვლას, ქალაქის ცენტრში, ამდენი გუმბათკივარი აღევნებდა თვალს. ამ ყველაფერს კი ორგანიზება მუნიციპალიტეტის მერიამ გაუწია.

იტალიელი სპეციალისტი - ხაშურის მხარეთმცოდნეობის მუზეუმში

ხაშურის მხარეთმცოდნეობის მუზეუმში სამუშაოდ მოვლინებულია იტალიის ქალაქ ვენეციის კა-ფოსკარის უნივერსიტეტის დოქტორანტი ადელინა ვოუტრინი.

მისი ვიზიტის მიზანია 2011-2012 წლებში „ქართულ-იტალიური



არქეოლოგიური პროექტის“ მიერ განხორციელებული ექსპედიციის(ხელ-ლი: ვენეციის კა-ფოსკარის უნივერსიტეტის პროფესორი, არქეოლოგი ელენა როვა) მიერ საქართველოს ეროვნულ მუზეუმთან თანამშრომლობით ხაშურის მუნიციპალიტეტის სოფ. ნაცარგორის მრავალფენიან ნამოსახლარ

გორაზე მოპოვებული არქეოლოგიური მასალიდან არქეოზოოლოგიური ნიმუშების შესწავლა საბოლოო პუბლიკაციისთვის. ადელინა ვოუტრინი იმუშავებს ხაშურის მხარეთმცოდნეობის მუზეუმის არქეოლოგიურ ფონდში, აღნიშნული ძეგლის აქ დაცულ სარეზერვო კოლექციაზე, შეისწავლის ადამიანისა და წვრილფეხა და მსხვილფეხა რქოსანი პირუტყვის ძვლებს და აიღებს ნიმუშებს დნმ-სა და იზოტოპის ანალიზებისთვის.



ხაშურის მხარეთმცოდნეობის მუზეუმის თანამშრომლები მზად არიან გვერდში დაუდგნენ მას ამ მნიშვნელოვანი მისიის განხორციელებაში.

ოსიურში საჯარო

სკოლის რეაბილიტაცია დაიწყო

სამუშაოები ითვალისწინებს, როგორც გარე ფასადის რეკონსტრუქციას, ასევე, საკლასო ოთახების, ღერუფებისა და სველი წერტილების მოწყობას.

მიმდინარე სამუშაოებს გაეცნენ ხაშურის მუნიციპალიტეტის მერი თენგიზ ჩიტიაშვილი, მერის თანამემწე მერაბ ბარბაქაძე და ინფრასტრუქტურისა და კეთილმოწყობის სამსახურის უფროსი გიორგი პაპიაშვილი, მათი განმარტებით, პროექტს მთლიანად საქართველოს განათლების, მეცნიერებისა და ახალგაზრდობის სამინისტრო აფინანსებს.



ცხრამუხაში, საბავშვო ბაღის მშენებლობა აქტიურ ფაზაშია

„ცხრამუხაში არსებული საბავშვო ბაღი ავარიულია, ამიტომაც ახალი საადმინისტრაციო დაწესებულების მშენებლობა გადაწყდა. ახალი შენობა, თანამედროვე სტანდარტებს სრულად უპასუხებს, რაც მომავალი თაობების აღზრდა-განვითარებისთვის მნიშვნელოვანი წინაპირობაა.“ -აღნიშნა სამუშაოების დათვალისწინებისას ხაშურის მუნიციპალიტეტის მერმა თენგიზ ჩიტიაშვილმა.

მერთან ერთად, ადგილზე იმყოფებოდნენ მერის თანამემწე მერაბ ბარბაქაძე და ინფრასტრუქტურის განვითარებისა და კეთილმოწყობის სამსახურის უფროსი გიორგი პაპიაშვილი, მათი განმარტებით, ახალი საბავშვო ბაღი 100 ადსაზრდელზეა გათვლილი. სამუშაოებს მუნიციპალური განვითარების ფონდი აფინანსებს და ღირებულება, ორ მილიონ ლარზე მეტს შეადგენს.

ახალი სპექტაკლი -წადვლელ და ბროლოსნელ ბავშვებს

მუნიციპალიტეტის საკრებულომ და ხაშურის #7 საჯარო სკოლის თეატრალური სტუდიის მოსწავლეებმა, ერთობლივი პროექტის ფარგლებში, გასვლითი სპექტაკლი - ირმა მალაგიძის „სატკბილეთის ქვეყანა“ წარადგინეს გამყოფი ხაზის პირა წადვლისა და ბროლოსნის საჯარო სკოლებში.

სტუდიის წევრებმა არაჩვეულებრივი ოსტატობით ამოგზაურეს თანატოლები სატკბილეთის ჯადოსნურ ქვეყანაში, ჩართეს თანატოლები ღონისძიებაში და ერთად იმხიარულეს.

წადვლის თემს ესტუმრნენ ხაშურის მუნიციპალიტეტის საკრებულოს თავმჯდომარე ნინო ლიპარტელიანი, სამანდატო კომისიის თავმჯდომარე მაკა დიდებულიძე, ხაშურისა და ქარელის მაჟორიტარი პარლამენტის წევრის ბიუროს წარმომადგენელი ხატია ლომიძე, საგანმანათლებლო რესურსცენტრის უფროსის მოვალეობის შემსრულებელი მანანა აბაზაძე, N7 საჯარო სკოლის დირექტორი მანანა მედოიძე.

ღონისძიების ორგანიზატორებმა თემატური საჩუქრებით - ტკბილეულით გაახარეს მოსწავლეები, რისთვისაც მადლობას ვუხდით მხარდამჭერებს სანაყინე „პინოს“ და „ნატიფ ნაზუქს“, აგრეთვე, გადასცეს ლიკა აბრამაშვილის მასალები ხელოვნების გაკვეთილებისთვის. განსაკუთრებული მადლობა გვინდა ვუთხრათ საბავშვო სტუდიის ხელმძღვანელს ნონა ტუფნაძეს, რომელიც ჩვეული პროფესიონალიზმითა და პასუხისმგებლობით ეკიდება მოსწავლეთა ესთეტიკური აღზრდის საქმეს.

სექტემბრიდან პროექტი გაგრძელდება მუნიციპალიტეტის სხვადასხვა სოფლებში და ხელს შეუწყობს ბავშვების დამეგობრებას ერთმანეთთან.



ქვიშეთში, მისასვლელი გზის გასწვრივ გაშენებულ ხეივანში, დაზიანებული ხეების მოჭრის სამუშაოები დასრულდა

სამუშაო პროცესს ადგილზე გაეცნო ხაშურის მუნიციპალიტეტის მერი თენგიზ ჩიტიაშვილი, მერის მოადგილეებთან, ზვიად ჟურდაძესთან და ზვიად გოგუაძესთან ერთად.

ხაშურის მუნიციპალიტეტმა მიმართა სსიპ ეროვნულ სატყეო სააგენტოს და მოითხოვა ქვიშეთში ვერხვის ხეივნის ფიტოსანიტარიული მდგომარეობის შესწავლა.

სააგენტომ შეისწავლა არსებული მდგომარეობა და მუნიციპალიტეტს გადმოუგზავნა შეფასების კვალიფიციური ანგარიში, რომლის თანახმადაც შავი ვერხვის 169 ინდივიდიდან ადგილზე გამოვლინდა 57 ეგზემპლარი, რომლებიც არ ექვემდებარება გაჯანსაღებას (არასიცოცხლისუნარიანია) და საჭიროებს სანიტარიულ ჭრას.

ამასთან, კვალიფიციური შეფასება შეიცავს რეკომენდაციას, რომლის მიხედვითაც, მიზანშეწონილია სანიტარიული ღონისძიებების განხორციელების შემდგომ ფართობზე მოხდეს ახალგაზრდა ინდივიდების დარგვა, რაც თავის მხრივ უზრუნველყოფს ქარსაფარი ზოლის განახლებასა და მდგრადობას.

რეკომენდაციის შესაბამისად, მუნიციპალიტეტი ქარსაფარი ზოლის განახლებასაც გეგმავს.



ხაშურში ქუჩების ორმოული შეკეთება მიმდინარეობს

სამუშაოები ა(ა)იპ "ხაშურსერვისის" რესურსებით ხორციელდება. მოსახლეობას ვაცნობებთ, რომ ვინაიდან ქალაქში ინტენსიურ რეჟიმში მიმდინარეობს წყალმომარაგებისა და წყალარინების მასშტაბური პროექტი, რაც გარდაუვალად იწვევს ყველა ქუჩის გადათხრას, მუნიციპალიტეტის მერიამ მიიღო გადაწყვეტილება, ქუჩების ორმოული

შეკეთება მუნიციპალური ა(ა)იპ-ის შიდა რესურსებით განხორციელდეს, რათა თავიდან ავირიდოთ დაუსაბუთებელი ხარჯები. მოქალაქეებს ბოდიშს ვუხდით დისკომფორტისთვის. დიდი იმედი გვაქვს, რომ მოსახლეობა გაგებით მოეკიდება შექმნილ ვითარებას წყალმომარაგებისა და წყალარინების პროექტის მნიშვნელოვნებიდან გამომდინარე.

მუნიციპალიტეტის მერია

ნაბახტევში ხიდის მშენებლობა უახლოეს მომავალში დასრულდება

„ხიდი, გასული წლის ოქტომბერში, მდინარე ჭერათხევის ადიდების შედეგად ჩამოიშალა. ხაშურის მუნიციპალიტეტმა ხიდის რეაბილიტაციასთან დაკავშირებით, შუამდგომლობით მიმართა შიდა ქართლის სამხარეო რწმუნებულის ადმინისტრაციას და წარმოადგინა, ექსპერტიზის დასკვნა, ასევე, სახარჯთაღრიცხვო დოკუმენტაცია, რის შედეგადაც, ნაბახტევის ხიდის მშენებლობისთვის გამოიყო თანხა. აღსანიშნავია, რომ ნაბახტევის ხიდის ჩამოშლის შემდეგ, მოსახლეობა, სოფელთან დამაკავშირებელი ალტერნატიული ხილით სარგებლობდა, რაც მათთვის გარკვეულ ბარიერებს ქმნიდა, ამიტომ ძირითადი ხიდის მშენებლობა, მათთვის საყოფაცხოვრებოდ მნიშვნელოვანია.“

-აღნიშნა ხაშურის მუნიციპალიტეტის მერმა თენგიზ ჩიტიაშვილმა.

ხაშურის მუნიციპალიტეტის მერის პირველი მოადგილის ზვიად ჟურდაძისა და ინფრასტრუქტურის განვითარებისა და კეთილმოწყობის სამსახურის ხელმძღვანელის გიორგი პაპიაშვილის განმარტებით, ნაბახტევის ხიდის მშენებლობა ფინანსდება სტიქიის შედეგების სალიკვიდაციო ღონისძიებების განსახორციელებელი ფონდიდან და პროექტის ღირებულება 940 000 ლარს შეადგენს.



სოფელ უწლევში მისასვლელ გზაზე ბეტონის საფარის ეწყობა

ინფრასტრუქტურულ სამუშაოებს ადგილზე გაეცნენ ხაშურის მუნიციპალიტეტის მერი თენგიზ ჩიტიაშვილი, მერის პირველი მოადგილე ზვიად ჟურდაძე და ინფრასტრუქტურის განვითარებისა და კეთილმოწყობის სამსახურის ხელმძღვანელი გიორგი პაპიაშვილი, მათი განმარტებით, პროექტი ხორციელდება ადგილობრივი ბიუჯეტისა და რეგიონებში განსახორციელებელი პროექტების ფონდის თანადაფინანსებით, საერთო ღირებულება კი 575 000 ლარს შეადგენს.

სოფელ უწლევში მოწყობილი საგზაო ინფრასტრუქტურა მნიშვნელოვნად გააუმჯობესებს ადგილობრივების საყოფაცხოვრებო პირობებს.

ხაშურის მუნიციპალიტეტის სოფელ ზეკოტაში აქტიურად მიმდინარეობს ასფალტო-ბეტონის გზის მოწყობა

სამუშაოების მიმდინარეობას ადგილზე გაეცნო ხაშურის მუნიციპალიტეტის მერი თენგიზ ჩიტიაშვილი, მერის მოადგილეები ზვიად ჟურდაძე და ზვიად გოგუაძე. სოფელ ზეკოტაში გზის საფარის მოწყობა დასკვნით ეტაპზეა.

საგზაო სამუშაოები რეგიონებში განსახორციელებელი პროექტების ფონდისა და ადგილობრივი ბიუჯეტის თანადაფინანსებით ხორციელდება რაც ჯამში 410 885.66 ლარს შეადგენს.



თემურ ბუნნიკაშვილი : - მადლიერი ვარ ხაშურის, რომელმაც საკუთარი გულის კარი გამიღო...

ალბათ, რამხელა დამსახურება უნდა გქონდეს ადამიანს, შენთვის უცნობმა ქალაქმა, საკუთარივით მიგიღოს და შეგიყვაროს-თემურ ბუნნიკაშვილი, უკვე 50 წელია, ჩვენი თანამოქალაქეა, უყვართ და პატივს სცემენ. ძნელად თუ მოიძებნება ჩვენს ქალაქში ვინმე, მის „ოპტიკაში“, ერთხელ მაინც არ იყოს ნამყოფი და თავაზიანი, პროფესიული დახვედრა და რჩევა არ მიეღოს. როგორც ამბობს, მადლობელია ხაშურის, იმ სიყვარულისთვის და პატივისცემისთვის, რასაც მადლიერი პაციენტებისგან ან, უბრალოდ, რიგითი ხაშურელისგან იღებს. კომუნისტების დროს, ხაშურში გაანაწილეს, საქმესთან ოჯახიც დააკავშირა და ძველებური ენთუზიაზმით ემსახურება მისთვის საყვარელ საქმეს.

- ბატონო თემურ, მიუხედავად იმის, რომ ხაშური კარგად გიცნობთ, მაინც, თქვენს შესახებ, არც თუ ბევრი ვიცით.

-დავიწყებ იქიდან, რომ ხაშურელი არ გახლავართ. თბილისში დავიბადე, ტექნიკუმში იქ გავაგრძელე სწავლა. სამხედრო სავალდებულო სამსახურის მოსახდელად, რუსეთში გამიწვიეს. წარჩინებული ვიყავი, მომცეს ლიმიტი და სწავლა რუსეთში, სამართალმცოდნეობის ფაკულტეტზე გავაგრძელე. სწავლის დასრულების შემდეგ, შევცვალე ჩემი სპეციალობა და სამედიცინო მიმართულებით, კერძოდ, ოფთალმოლოგიის კუთხით განვაგრძე სწავლა. სწავლის დასრულების შემდეგ, მშობლიურ თბილისს დავუბრუნდი.

- ხაშურში როგორ მოხვდით?

-მაშინ, ოთარ ნიშნიანიძე იყო ჯანდაცვის მინისტრის მოადგილე, მისი ინიციატივით, გადაწყდა, რომ ხაშურში გამოყოფილიყო სივრცე, სადაც მოსახლეობა მიიღებდა სრულფასოვან სამედიცინო სერვისს, ოფთალმოლოგიის კუთხით. შეარჩის ჩემი კანდიდატურა და 1974 წელს, გამოვემგზავრე ხაშურში, საქმიანობის დასაწყებად.

- რა სახის მომსახურებას იღებდა პაციენტი?

-პაციენტის გასინჯვა, მხედველობის ხარისხის შეფასება, სათვალის გამოწერა, მკურნალობის დანიშვნა და შემდეგ, შესაბამისი სათვალის დამზადება. მაშინ ხაშურში, მხოლოდ ერთი ექიმი იყო პარამენ ვეფხვაძე, სამსახურის დასრულების შემდეგ, ყოველდღე მსტუმრობდა, იჯდა, მიყურებდა და ტკბებოდა სამუშაო პროცესით.

- ხაშურმა როგორ მიგიღოთ?

-ხაშურთან მანამდე, არანაირი გადაკვეთა არ მექონია. აქ ჩამოსვლის შემდეგ, მაშინდელმა ადგილობრივმა მთავრობამ, მაქსიმალურად იზრუნა, ყველა პირობა შექმნა ჩემთვის, რომ აქვე დავეუფლებულიყავი და ჩემი გამოცდილება ხაშურისთვის მომეხმარებინა, მომცეს მიწის ნაკვეთი, სახლის ასაშენებლად და სამშენებლო მასალები. აქვე დავოჯახდი, ხაშურელი ცოლი, სამი შვილი გვაჩინეთ და დღეს რომ მკითხო, გიბასუხებთ, რომ ძირძველი ხაშურელი ვარ, იმდენად მადლიერი ვარ იმ უცხო ქალაქის, რომელმაც საკუთარი გულის კარი გამიღო.

- თქვენი აზრით, გარდა პროფესიონალიზმისა, რა იყო მთავარი მიზეზი, რომ ხაშურმა ასე შეგიყვარათ?

-როგორც აღვნიშნე, უცხო ვიყავი ამ ქალაქში, არც გულშემატკივარი მყავდა, არც მოკეთე, მაგრამ არ გამჭირვებია, ადგილობრივების კეთილგანწყობის მოპოვება და ეს ურთიერთობა მოდის დღემდე. მამაჩემი პოლიციის უფროსი იყო, განსაკუთრებული წესიერებით გამზარდა, ისეთი ღირებულებებით, რამაც ცხოვრებაში, ბევრი სიკეთე მომიტანა, თუნდაც ის, რომ უცხო ადამიანი, თავს საკუთარ ოჯახში ვგრძნობ. ერთ წიგნში, სურამელი ქალბატონები წერენ: შედიხარ ოპტიკას მადაზიანში და იქ გხვდებით მომდიმარი და კარგი გულის ადამიანი, ბატონი თემური-ეს ძალიან დიდი სიხარულია ჩემთვის. არასდროს, მხოლოდ მატერიალური ინტერესით არ მიკეთებია ჩემი საქმე, იმაზე დიდი საჩუქარი არაფერია, ვიდრე მადლიერი ადამიანი, რომელიც მიდის ჩემგან. საბჭოთა კავშირის დროს, ხშირად მომმართავდნენ რუსი, უკრაინელი დამსვენებლები. იმ დღეს, ყაზბეგიდან იყო. სამი ქალბატონი, სხვა ქალაქებიდანაც მაკითხავენ.

- საყვარელი საქმის შემდეგ, ოჯახს ვუბრუნდები, სადაც პატარა ბავშვები, ქათმები მყავს, ძროხებიც, ღორებიც მყავდა-ძალიან მიყვარს ამ გარემოში ფუსფუსიც.

- თუ გავითვალისწინებთ, ხაშურში მომრავლებულ ოფთალმოლოგიურ კლინიკებს, მომართვიანობა ხომ არ შემცირდა?

-პირიქით, არ შემცირებულა პაციენტების მომართვიანობა, მიზეზი, ფინანსურიცაა. გარდა იმის, რომ მენდობიან, კონსულტაციებზე, კვლევებზე, მედიკამენტებზე გაზრდილი ფასები ბევრისთვის არაა მისაღები. ხედავენ, რომ ჩემთან მხოლოდ

ფინანსური დაინტერესება არაა, ამიტომ ყოველთვის მყავს მადლიერი პაციენტები. ჩემთან შეგიძლიათ ყველანაირი სათვალის შეკეთება-აღდგენა-ყველანაირი ტექნიკური საშუალება გვაქვს ამის. მხოლოდ შედუღებას ვერ ვაკეთებდი, ოქრომჭედელთან ვგზავნიდი კლიენტებს, დღეს შედუღებასაც ვაკეთებ. გორსაც არ აქვს ასეთი მომსახურებები. 50 წლიანი გამოცდილება მაძლევს იმის კომპეტენციას, გავსინჯო პაციენტი და მივცე შესაბამისი დანიშნულება, გამოვუწერო სათვალე, დავუმზადო



შეკვეთა.

- რამდენი მადლიერი კლიენტი გეყოლებათ...

-ერთი შემთხვევა მასხენდება, კომუნისტების დროს, ავტოსაგზაო შემთხვევის დროს, პატარა გოგონა დაზიანდა, დაუზიანდა მხედველობა დარტყმის შედეგ. დაჭირდა ისეთი მინები, რომელსაც მცირე რაოდენობით აშუადებდა მხოლოდ მოსკოვი. ძალიან დიდ დროს მოითხოვდა მისი შოვნა, რიგში დგომა იყო საჭირო. შემთხვევით შემოიარა ბავშვის მამამ, საკმაოდ რთული მინა იყო, ორივე თვალზე, სხვადასხვა მინა იყო საჭირო. ყველაფერი გავაკეთე იმისთვის, რომ ბათუმში გასაგზავნი შეკვეთა, ხაშურში ჩამოვიდა. დღეს ის გოგონა, ჯანმრთელია და ორ შვილს ზრდის-ასეთი ფაქტები, ცოტა არაა და ეს მამედნიერებს.

- თავიდან რომ ირჩევდეთ თქვენი ცხოვრების გზას, რა არჩევანს გააკეთებდით?

-არაფერს არ შევცვლიდი, თავიდანაც იგივე გზას დავადგებოდი, რაც გავიარე. ყველა ხაშურელს მადლობას ვუხდის ნდობისთვის, მიღებისთვის, მხარდაჭერისთვის.

თ. ჯავახიშვილი

იაპონელი სპეციალისტები ხაშურელ ბავშვებთან იმუშავენ

ხაშურის მუნიციპალიტეტის მერის მოადგილე ზვიად გოგუაძემ, განათლების, კულტურის და სპორტის სამსახურის ხელმძღვანელმა კონსტანტინე ფრუიძემ და სააღმზრდელო დაწესებულებების - საბავშვო ბაღების გაერთიანების ხელმძღვანელმა ლელა გელაშვილმა იაპონიის საერთაშორისო თანამშრომლობის სააგენტოს - JICA-ს წარმომადგენლებს უმასპინძლეს.

იაპონიის საერთაშორისო ორგანიზაცია პირველად საქართველოში

იწყებს პროექტს სკოლამდელი განათლების მიმართულებით. იაპონელი მოხალისეები, კერძოდ კი ოკუპაციური თერაპევტი და აღმზრდელი 2 წლის განმავლობაში ითანამშრომლობენ ხაშურის მუნიციპალუტეტის სკოლამდელ დაწესებულებებთან და გაუზიარებენ გამოცდილებას.

აღსანიშნავია, რომ მსგავსი პროექტი საქართველოში პირველად ხორციელდება და საქართველოს განათლების მეცნიერების და ახალგაზრდობის სამინისტროს მიერ იაპონური მხარის პარტნიორ ორგანიზაციად ხაშურის საბავშვო ბაღების გაერთიანება შეირჩა სკოლამდელი აღზრდის სფეროში განსაკუთრებული მიღწევების გამო.





თრიალეთის ქედი, რომელიც სამხრეთიდან აკრავს ჩვენს მუნიციპალიტეტს, წლის ნებისმიერ დროს ულამაზესია.

ნ. კახეთელიძის ფოტო

მიულოცეს შშმ პირთა უფლებების დაცვის დღე

ხაშურში არსებულ მომავლის სახლის ბენეფიციარებს, ხაშურის მუნიციპალიტეტის მერმა თენგიზ ჩიტიაშვილმა, მერის მოადგილე ზვიად გოგუაძემ და განათლების, კულტურის და სპორტის სამსახურის ხელმძღვანელმა კონსტანტინე ფრუიძემ შეზღუდული შესაძლებლობების მქონე პირთა უფლებების დაცვის დღე მიულოცეს.

მომავლის სახლის ბენეფიციარებს, მერიამ კინოთეატრ „ივერია სინემაში“ უმასპინძლა.

აქტივობა ხაშურის მუნიციპალიტეტის მერიის განათლების, კულტურის, სპორტის სამსახურისა და კულტურის ცენტრების გაერთიანების



რომან(ტალა) ტალახაძის ხსოვნას

უფალი, რომელმაც ადამიანი “სახედ თვისად” შექმნა, ამ ადამიანებს უზენაეს მიზნად ისეთი ცხოვრების წესს უდგენს, რომ მათი განვლილი ცხოვრება ნათელ კვლად დარჩეს მომავალ თაობებს, სწორედ ასეთი წესით იცხოვრა ჩვენმა მეგობარმა და შესანიშნავმა პიროვნებამ, რომან (ტალა) ტალახაძემ, კაცმა, რომლის სახელი ხაშურის “ივერიის” ისტორიის ნაწილად იქცა. 1967 წელს, სპორტსკოლის დასრულებისთანავე მოვიდა იგი გუნდში და ათი წელი თითქმის უცვლელი გოლკიპერი იყო “ივერიისა”. ყველა იცნობდა ჩვენს ქალაქში, ყველა აფასებდა, ისიც უშურველად გასცემდა სიტბოს და სიყვარულს. მის სიტყვას წონაც ჰქონდა და ფასიც. შესანიშნავი ოჯახისც შექმნა და დღეს, მისი შვილები და შვილიშვილები აგრძელებენ იმ გზას, რომელიც მან გაკვალა და აქამდე მოიტანა. რა თქმა უნდა, ოჯახი უპირველესი იყო მისთვის, თუმცა მშობლიური გუნდსაც სიცოცხლის ბოლომდე უერთგულა და “ივერია” ყოველთვის მისი დიდი სიხარული თუ ტკივილი იყო.



დაგვტოვა კარგმა კაცმა და ერთგულმა მეგობარმა და დაგვიტოვა ის ულამაზესი მოგონებები, რომელიც სამუდამოდაა გულში დავანახული და არასდროს უწერია დავიწყება.

გემშვიდობებით, მეგობარო და მეოხად ვუდგებით უფალს, რომ სანთელ-ნათელი არ მოგაკლოს მარადიულ სასუფეველში.

ვეტერანი ივერიელები „ხაშურის მოამბის“ რედაქციის თანამშრომლები, მეგობრები

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

ℙ-ით მონიშნული სტატია იბეჭდება დაკვეთით გაზეთი იბეჭდება თბილისში.